

SAKSPAPIR

Saksnr	Utval	Type	Dato
007/18	Formannskapet	PS	25.01.2018
	Kommunestyret	PS	

Saksbehandlar	ArkivsakID
Reidun Sæbdal	17/3626

Tilsyn med sal av tobakksvarer frå 01.01.18 - tilsynsavgift

Rådmannen sitt framlegg til vedtak

Kommunen krev ei årleg tilsynsavgift på kr. 3.000,- for salsstader for tobakksvarer og tobakkssurrogater til forbrukar.

Kommunen krev ei årleg tilsynsavgift på kr. 600,- for midlertidige salsstader for tobakksvarer.

.....

Formannskapet - 007/18

FO - behandling:

Framlegg frå B.Vatnøy-Frp:

Som rådmannen sitt framlegg, men endre satser til kr. 1 500,- for heilårs og kr. 300,- for midlertidig.

Framlegget fekk 3 røyster (B.Vatnøy-Frp, N.Øvreås-Frp og K.Vågstøl-H)

Rådmannen sitt framlegg vart vedteke med 8 røyster.

FO - vedtak:

Kommunen krev ei årleg tilsynsavgift på kr. 3.000,- for salsstader for tobakksvarer og tobakkssurrogater til forbrukar.

Kommunen krev ei årleg tilsynsavgift på kr. 600,- for midlertidige salsstader for tobakksvarer.

Saksopplysningar:

Politisk handsaming

Saka skal til innstilling i Formannskapet

Saka skal avgjerast i Kommunestyret

Bakgrunn

Alle som sel tobakk og tobakkssurrogater, som for eksempel e-sigarettar, må frå 1. januar 2018 være registrert i Tobakkssalgsregisteret.

Tobakkssalgsregisteret er offentleg og skal gje oversikt over:

- lovlege salsstader og grossistar av tobakkssvarer og tobakkssurrogater
- kva salsstader og grossistar det lovleg kan omsetjast tobakkssvarer og tobakkssurrogater til og frå
- kva salsstader og grossistar det skal førast tilsyn med.

Kommunane skal frå 01.01.2018 føra tilsyn med registrerte salsstader av tobakkssvarer. Tilsynsplikta er ei ny registreringsordning for sal av tobakkssvarer og vart vedteke i Stortinget 21.06.17, jfr. Kap 2 i Lov om vern av tobakksskader (Tobakksskadelova), <https://lovdata.no/dokument/NL/lov/1973-03-09-14?q=tobakksskadeloven>

Tilsynet inneber at kommunen skal føre kontroll med registrerte salsstader av tobakkssvarer og tobakkssurrogater som e-sigarettar og urtesnus. Tilsynet skal særleg omfatta kontroll med at slike varer ikkje vert seldt til mindreårige og krav til internkontroll.

Kommunen kan krevje ei årleg tilsynsavgift til dekning av kostnader med tilsynet. Frå salsstader av tobakkssvarer og tobakkssurrogater til forbrukar er maksimal årlegg tilsynsavgift sett til kr. 4.500,-. Frå midlertidige salstader kan kommunen krevje ei årleg tilsynsavgift på inntil kr. 1.200,- jfr. Kap 7 Avgifter § 24, i Forskrift om registrering av og tilsyn med sal av tobakkssvarer, <https://lovdata.no/dokument/SF/forskrift/2017-09-21-1446>

Det er opp til den einskilde kommune kva sats ein vil velje opp til maksimalsummen. Kommunen kan og la vere å ta avgift.

Vurdering

Det skal førast tilsyn med salsstadene så ofte som behovet tilseier og kvar stad skal kontrollerast minst ein gong per år. Det skal årleg utførast minst to gangar så mange tilsyn som det er salsstader i kommunen. Ein planlegg at denne kontrollfunksjonen skal leggjast til alkoholkontrollørane for Nordhordland og Gulen.

Ved gjennomføring av kontrollar vil kommunen mellom anna få utgifter til opplæring, løn og

reiseutgifter til kontrollørane.

.....